

U skladu sa odredbom člana 271. Zakona o privrednim društvima Federacije Bosne i Hercegovine ("Službene novine Federacije BiH", broj 81/15), te Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), Zakona o računovodstvu i reviziji u Federaciji BiH ("Službene novine Federacije BiH", broj: 15/21) i člana 10. Statuta KP "Komunalac" dd Kalesija, te Odluke Nadzornog odbora KP "Komunalac" dd Kalesija broj: 2-35-245/23 od 25.12.2023. godine raspisuje:

## **K O N K U R S**

### **za izbor i imenovanje članova Odbora za reviziju KP, „Komunalac” d.d. Kalesija**

Raspisuje se javni konkurs za izbor i imenovanje 3 (tri) člana Odbora za reviziju KP, „Komunalac” d.d. Kalesija, od kojih najmanje 1 (jedan) član Odbora za reviziju mora biti iz reda ovlaštenih revizora.

Imenovanje se vrši na period od 4 (četiri) godine.

#### **OPIS POZICIJE:**

Odbor za reviziju je tijelo sastavljeno od 3 člana.

Odbor za reviziju ima obavezu i odgovornost: imenovati vanjskog revizora, osigurati da interne kontrole u preduzeću budu adekvatne i da funkcioniraju kako je previđeno ostalim aktima, razmotriti godišnju strategiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te se obezbjeđuje da prijavljena pitanja budu bez odlaganja i na odgovarajući način korigovana, podnositi nadzornom odboru sažete mjesečne izvještaje o svojim sastancima svakog mjeseca, obavljati ostale poslove određene Zakonom o javnim preduzećima, Zakonom o privrednim društvima, Zakonom o računovodstvu i reviziji u Federaciji BiH, te podzakonskim aktima.

Nadzorni odbor preduzeća predlaže skupštini sastav odbora za reviziju, nakon izbora kandidata većinom glasova na osnovu javnog konkursa, s tim da odabere lica koja su najkvalifikovanija za tu funkciju.

Sa imenovanim članovima Odbora za reviziju, na osnovu odluke Skupštine preduzeća zaključuje se ugovor kojim se regulišu ovlaštenja, odgovornosti i visina naknade.

#### **USLOVI:**

##### **Opći uvjeti:**

1. da je državljanin BiH;
2. da nije otpušten iz državne službe, kao rezultat disciplinske mjere na bilo kojem nivou u BiH, u periodu od 3 godine prije dana objavljivanja upražnjene pozicije;
3. da se na njega ne odnosi član IX 1. Ustava BiH;
4. da nije osuđivan za krivično djelo i za privredni prestup nespojiv s funkcijom člana Odbora za reviziju, 5 (pet) godina od dana pravosnažnosti presude;
5. da nije lice kojem je presudom suda zabranjeno obavljanje dužnosti u nadležnosti Odbora za reviziju;
6. da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH,
7. da nije u funkciji u političkoj stranci u smislu čl.5. Zakona o ministarskim, vladinim i drugim imenovanjima FBiH;
8. da nije član nadzornog odbora ili uprave preduzeća, kao ni zaposlenik preduzeća niti da ima direktni ili indirektni interes u preduzeću osim naknade po osnovu te funkcije;
9. da nije mlađi od 18 godina i stariji od 65 godina na dan imenovanja,

##### **Posebni uslovi:**

1. VSS (visoka stručna sprema) VII stepen, odnosno visoko obrazovanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – diplomirani ekonomista, diplomirani pravnik ili drugog pravnog i ekonomskog smjera;
2. najmanje 3 godine radnog iskustva u struci;
3. da je najmanje jedan kandidat – član odbora za reviziju iz reda ovlaštenih revizora u skladu sa članom 84. Zakona o računovodstvu i reviziji FBiH (Službene novine FBiH broj: 15/21).